

## К ОПУБЛИКОВАНИЮ

### КОМИ РЕСПУБЛИКАСА ОЛАНПОДУВ ЁРД

Коми Республикалӧн Каналан Сӧветса депутатъяс И.А. Богдановлӧн, Н.Т. Братенковлӧн, Е.В. Дьячковалӧн, О.А. Михайловлӧн запрос серти «Коми Республикаын бӧрйысьӧмъяс да референдумъяс йылысь» 2010 во кӧч тӧлысь 27 лунся 88-РЗ №-а Коми Республикаса Оланпаслӧн 88 статьяса 1 юкӧнлӧн мӧд абзацлысь оланподувлы лӧсялӧмсӧ прӧверитӧм йылысь делӧ серти Коми Республикаса Оланподув Ёрдлӧн шуӧм

Сыктывкар

2020 вося ӧшым тӧлысь 9 лун

Коми Республикаса Оланподув Ёрд, кӧнӧ веськӧдлысьнас вӧлӧ В.В. Кретов, ёрдысьяснас Д.Н. Басманов, Н.В. Боковинова, А.В. Проскуров,

кӧнӧ участвуйтисны Коми Республикалӧн Каналан Сӧветса депутат О.А. Михайлов, В.В. Воробьев – Коми Республикалӧн Каналан Сӧветса депутат И.А. Богдановӧс петкӧдлысь, Коми Республикалӧн Каналан Сӧветӧс петкӧдлысь Е.В. Глухова – Коми Республикаса Каналан Сӧветлӧн Аппаратысь Инӧда веськӧдланӧнын оланподув оланпастэчас да канму лӧсьӧдан юкӧнса начальник, Коми Республикаса Юралысьӧс петкӧдлысьяс Е.А. Клименкова – Коми Республикаса Юралысьлӧн Канму-инӧда веськӧдланӧнын оланподув да социальнӧй оланпастэчас юкӧнса начальник, Т.В. Тимофеева – Коми Республикаса бӧрйысян комиссияӧ вына гӧлӧс инӧда пырысь,

Коми Республикаса Оланподувлӧн 96 статьяса 2 юкӧнӧ, «Коми Республикаса Оланподув Ёрд йылысь» Коми Республикаса Оланпаслӧн 3 статьяса 1 юкӧнлӧн 1 пунктӧ, 78, 79 да 80 статьясӧ кутчысьӧмӧн,

видлалӧс ёрдлӧн восьса заседание дырйи Коми Республикалӧн Каналан Сӧветса депутатъяс И.А. Богдановлӧн, Н.Т. Братенковлӧн,

Е.В. Дьячковалон, О.А. Михайловлон запрос серти «Коми Республикаын бөрйысьомьяс да референдумьяс йылысь» 2010 во коч тöлысь 27 лунся 88-РЗ №-а Коми Республикаса Оланпаслön 88 статьяса 1 юкөнлön мöд абзацлысь оланподувлы лöсялöмсö прöверитöм йылысь делö.

Тайö делöсö видлалан помкаөн лоис Коми Республикалön Каналан Сöветса депутатьяс группалön запрос, а видлалан подулön – эрдöдöм гөгöрвотöмлун сы серти, лöсялöны-ö Коми Республикаса Оланподувлы вылынджык индöм Коми Республикаса Оланпаслön положениеясыс.

Ёрдысь-докладчик А.В. Проскуровлысь юöрсö, кыкнанладорсаяслысь да найöс петкöдлысьяслысь, Коми Республикаса Юралысьöс петкöдлысьяслысь висьтасьöмсö кывзöм бöрын, сетöм документьяссö да мукöд материалсö туялöм бöрын Коми Республикаса Оланподув Ёрд

шуис:

1. «Коми Республикаын бөрйысьомьяс да референдумьяс йылысь» 2010 во коч тöлысь 27 лунся 88-РЗ №-а Коми Республикаса Оланпаслön (водзö – Коми Республикаса Оланпас) 88 статьяса 1 юкөнлön мöд абзац серти сэк, кор кандидатьяслön лöсялана мутас группаын (кандидатьяс списоклön ставреспубликаса (ставмуниципалитетса) юкöнын) эз кольны пасйöм кандидатьясыс либö колисны сöмын пасйöм кандидатьяс, кодьяс гижöмön юөртисны бөрйысян öтувлön уполномочитöм коллегиальной пыр уджалысь юрнуöдысь органö сы йылысь, мый найö öткажитчисны тайö прöст депутатскöй мандат серти уджалöмысь, бөрйысян öтувлön индöм орган вермö вöзйыны кандидатьяслön кöть кутшöм мöд мутас группаысь (кандидатьяс списоклön ставреспубликаса (ставмуниципалитетса) юкöнысь) пасйöм кандидатлысь кандидатура.

Коми Республикалön Каналан Сöветса депутатьяс И.А. Богдановлон, Н.Т. Братенковлон, Е.В. Дьячковалон,

О.А. Михайловлөн запросын пуктöма юалöм сы йылысь, мый Коми Республикаса Оланпаслөн вылынджык индöм положениеясыс оз лöсявны Коми Республикаса Оланподувлы, сылөн 2, 17, 33 статьясы, сы вöсна мый налөн видзöдлас серти инöд боксянь татшöм ладмöдöмыс сетö позянлун бöрйысян öтувлөн уполномочитöм коллегиальной пыр уджалысь юрнуöдысь органы кезны кандидатъяслөн мутас группаяс костын (кандидатъяс списоклөн ставреспубликаса (ставмуниципалитетса) юкöнын) депутатскöй мандатъяс юклан правилöясысь, кутшöмъясöс урчитöма бöрйысысьяслөн кöсйöмөн.

«Коми Республикаса Оланподув Ёрд йылысь» Коми Республикаса Оланпаслөн 3 статьяса медводдза юкөнлөн 1 пунктса «а» пунктув, 68 статьяса мöд да коймöд юкөнъяс подув вылын Коми Республикаса Оланподув Ёрд видлалö делöяс сы йылысь, лöсялöны-ö Коми Республикаса оланпасъяс Коми Республикаса Оланподувлы; примитö помшуöмъяс сöмын шыöдчöмын индöм видлалантор серти да актлөн сöмын сйö юкөн серти, кутшöмöс шыöдчöмын лыддьöны оланподувлы лöсявтöмөн. Та дырйи Коми Республикаса Оланподув Ёрд примитö делö серти помшуöмъяссö видлалан актлысь кызди веськыд вежöртассö, сідзи и официальной да мукöд актөн сйöс гөгөрвоöдан либö инöдөн вöдитчан практикаын артмöм вежöртассö донъялöмөн, а сідзжö инöда актъяслөн системаын сылөн ин вылö мыджсьöмөн.

Тайö жö Коми Республикаса Оланпаслөн 3 статьяса мöд да коймöд юкөнъяс серти Коми Республикаса Оланподув Ёрд решайтö сöмын инöд серти юалöмъяс, оланподув судопроизводство дырйи сйö кутчысьö збыль лоöмторъяс урчитöмысь да туйлöмысь став случайын, кор тайö пырö мукöд ёрдлөн либö мукöд органлөн компетенцияö.

Татшöм ногөн, тайö делö серти видлаланторйөн лоöны «Коми Республикаын бöрйысьöмъяс да референдумъяс йылысь» 2010 во кöч тöлысь 27 лунся 88-РЗ №-а Коми Республикаса Оланпаслөн 88 статьяса 1 юкөнлөн мöд абзацса положениеяс сйö юкöнын, кöні найö сетöны

бӧрйысян ӧтувлӧн пыр уджалысь юрнуӧдысь органлы инӧд вӧзйыны кандидатъяслӧн кӧть кутшӧм мӧд мутас группаысь (кандидатъяс списоклӧн ставреспубликаса (ставмуниципалитетса) юкӧнысь) пасйӧм кандидатлысь кандидатура сӧк, кор кандидатъяслӧн лӧсялана мутас группаын (кандидатъяс списоклӧн ставреспубликаса (ставмуниципалитетса) юкӧнын) эз кольны пасйӧм кандидатъясыс либӧ колысьны сӧмын пасйӧм кандидатъяс, кодъяс гижӧмӧн юӧртисны бӧрйысян ӧтувлӧн уполномочитӧм коллегиальной пыр уджалысь юрнуӧдысь органӧ сы йылысь, мый найӧ ӧткажитчисны тайӧ прӧст депутатской мандат серти уджалӧмысь, а стӧчджыка кӧ, прӧверка сы серти, лӧсялӧ-ӧ вензян нормаыс Коми Республикаса Оланподувлӧн 2, 17, 33 статьяяслы.

2. Россия Федерацияса Оланподувлӧн 72 статьяса 1 юкӧнлӧн «н» пункт, Коми Республикаса Оланподувлӧн 64 статьяса 1 юкӧнлӧн «н» пункт серти канму власьт да меставывса асвеськӧдлан органъяслысь система котыртан ӧтувья принципъяс лӧсьӧдӧмыс пырӧ Россия Федерациялӧн да Коми Республикалӧн ӧтувья веськӧдлӧмӧ.

Россия Федерациялӧн да Россия Федерацияса субъектъяслӧн ӧтувья веськӧдлӧмӧ пырысь предметъяс серти йӧзӧдсьӧны федеральной оланпасъяс да Россия Федерацияса субъектъяслӧн на серти примитӧм оланпасъяс да мукӧд нормативной инӧда акт (Россия Федерацияса Оланподувлӧн 76 статьяса 2 юкӧн, Коми Республикаса Оланподувлӧн 64 статьяса 2 юкӧн).

Россия Федерацияса Оланподувлӧн 3, 19, 32 статьяяс да Коми Республикаса Оланподувлӧн налы лӧсялана положениеяс (2, 17, 33 статьяяс) серти Россия Федерацияын суверенитет кутысьӧн да власьтлӧн дзик ӧти источникӧн лоӧ сылӧн уна сикас войтыр, кодӧ збыльмӧдӧ ассьыс власьтсӧ веськыда, а сӧдзжӧ канму власьт органъяс да меставывса асвеськӧдлан органъяс пыр да кодлысь медвылысса власьтсӧ веськыда петкӧдлӧны референдум да ас вӧляысь бӧрйысьӧмъяс; ӧтувьялун принцип подув вылын Россия Федерацияса граждана вермӧны участвуйтны канму

делояс нуодомын кыдзи веськыда, сідзи и асланыс петкөдлысыяс пыр, бөрйыны да лоны бөрйөмаөн канму власыт органьясө да меставывса асвеськөдлан органьясө, а сідзжө участвуйтны референдумын.

Кыдзи эз өтчыдысь индив Россия Федерацияса Оланподув Ёрд, Россия Федерацияса гражданысь бөрйысян инөдьяссө збыльмөдигөн ыджыд ин босытöны кансяма ютырьяс, кодьясөс, өти-кө, пыртöма власыт йитөдьяс процессö, а мөд-кө, найö лоöны гражданскöй котыр тэчасын ас вöляя өтувьясөн да бөрйөм демократиялөн быть колана институт пыдди, мый могмөдö гражданысь политической олöмын участвуйтөмсö, гражданскöй котырлысь да канмулысь политикаын өтув уджалөмсö, политической системалысь өтторьялунсö да зумыдлунсö.

Вына бөрйысян оланпастэчас, мый подуласьö Россия Федерацияса Оланподувлөн положениеяс вылө, медводз сылөн 3, 13, 30 да 32 статьяяс вылө, Россия Федерацияса канму власыт органьясө да Россия Федерацияса субъектыяслөн канму власыт органьясө бөрйысьöмьяс серти шуö кансяма ютырьяссö өтйöза өтувлөн дзик өти сикасөн, кутшöмлы сетöма бөрйысян өтув статус да кутшöмьяс участвуйтöны бөрйысьöмьясын оланпас пыртысьөн урчитөм бөрйысян система сикас вылө видзөдтөг (2008 во рака тöлысь 11 лунся 4-П №-а, 2009 во вöльгым тöлысь 9 лунся 16-П №-а, 2013 во öшым тöлысь 19 лунся 28-П №-а Шуöмьяс, 2013 во рака тöлысь 6 лунся 324-О №-а, 2016 во лөддза-номья тöлысь 6 лунся 1233-О №-а Кывкөртөдьяс да мукөд).

Россия Федерацияса гражданаөн Россия Федерация мутасын нуөдөм бөрйысьöмьясын да референдумьясын участвуйтөм вылө оланподув инөд збыльмөдан медшөр гарантияссö урчитöма «Россия Федерацияса гражданылөн бөрйысян инөдьяслөн да референдумын участвуйтөм вылө инөдлөн медшөр гарантияяс йылысь» 2002 во лөддза-номья тöлысь 12 лунся 67-ФЗ №-а Федеральнöй оланпасөн (водзö – Федеральнöй оланпас), мый уджалö веськыда да кутшöмөн колö вөдитчыны Россия Федерацияса став мутасын.

Та дырйи Россия Федерацияса гражданаһон бөрйысян инөдъяслысь да референдумын участвуйтөм вылө инөдлысь гарантияяссө, кутшөмъяс содтөдны тайө Федеральнөй оланпасөн урчитөм гарантияяссө, вермөны урчитны федеральнөй оланподув оланпасьясөн, мукөд федеральнөй оланпасөн, Россия Федерацияса субъектыяслөн оланпасьясөн (Федеральнөй оланпаслөн 1 статьяса 3 пункт).

«Россия Федерацияса субъектыяслөн оланпас пыртысь (бөрйөм) да олөмө пөртысь канму власьт органъяс котыртан өтувья принципьяс йылысь» 1999 во йирым төлысь 6 лунся 184-ФЗ №-а Федеральнөй оланпаслөн 12 статьяса 6 пункт серти сэк, кор депутатлысь уджмогьяссө дугөдөма кадысь водз, артмөм прөст депутатскөй мандат серти уджалөмсө збыльмөдөны «Россия Федерацияса гражданаһон бөрйысян инөдъяслөн да референдумын участвуйтөм вылө инөдлөн медшөр гарантияяс йылысь» Федеральнөй оланпасөн да Россия Федерацияса субъектлөн оланпасөн урчитөм пөрадокын.

Сэк жө «Россия Федерацияса гражданаһон бөрйысян инөдъяслөн да референдумын участвуйтөм вылө инөдлөн медшөр гарантияяс йылысь» 2002 во лөддза-номъя төлысь 12 лунся 67-ФЗ №-а Федеральнөй оланпаслөн 71 статьяса 15 пункт серти оланпасөн вермөны урчитны, мый сэк, кор кандидатъяс списокын бөрйөм депутатлысь уджмогьяссө дугөдөма кадысь водз, кансяма ютырлөн коллегиальнөй пыр уджалысь юрнуөдысь орган, кутшөмлөн кандидатъяс списокын тайө депутатсө вөлі бөрйөма, либө (бөрйысьөмлөн тшупөд серти) сылөн дінму юкөдлөн либө мукөд тэчас юкөдувлөн коллегиальнөй пыр уджалысь юрнуөдысь орган (тайөс кө урчитөма кансяма ютырлөн подувпуктасөн), кутшөмлөн кандидатъяс списокын тайө депутатсө вөлі бөрйөма, вермөны вөзйыны прөст депутатскөй мандат серти уджалөм вылө кандидатъяслөн тайө жө списокысь пасйөм кандидатлысь кандидатура. Сэк, кор оланпас подув вылын кандидатъяслысь списоксө юкөма кандидатъяслөн дінму группаяс вылө, кандидатурасө вермөны вөзйыны сөмын кандидатъяс лыдысь,

кодъясӧс пыртӧма кандидатъяслӧн сійӧ дінму группаӧ (кандидатъяслӧн список юкӧнӧ, мый оз пыр кандидатъяслӧн кутшӧм-либӧ дінму группаӧ), кытчӧ вӧлі пыртӧма депутатӧс, кодлысь уджмогъяссӧ дугӧдӧма кадъсь водз. Сэж, кор кандидатъяслӧн лӧсялана дінму группын (кандидатъяслӧн список юкӧнын, мый оз пыр кандидатъяслӧн кутшӧм-либӧ дінму группаӧ) эз кольны пасйӧм кандидатъясыс либӧ колысны сӧмын пасйӧм кандидатъяс, кодъяс гижӧмӧн юӧртисны кансяма ютырлӧн коллегиальной пыр уджалысь юрнуӧдысь органӧ, сылӧн дінму юкӧнӧ либӧ мукӧд тэчас юкӧдулӧ лӧсялӧмӧн сы йылысь, мый найӧ ӧткажитчисны тайӧ прӧст депутатскӧй мандат серти уджалӧмысь, кансяма ютырлӧн индӧм орган, сылӧн дінму юкӧн либӧ мукӧд тэчас юкӧдув вермӧны вӧзйыны кандидатъяслӧн мукӧд дінму группысь (кандидатъяслӧн список юкӧнысь, мый оз пыр кандидатъяслӧн кутшӧм-либӧ дінму группаӧ) мӧд пасйӧм кандидатлысь кандидатура.

Асланыс нормативной инӧда сюрӧс серти татшӧм жӧ положениеяс урчитӧма «Коми Республикаын бӧрйысьӧмъяс да референдумъяс йылысь» 2010 во кӧч тӧлысь 27 лунся 88-РЗ №-а Коми Республикаса Оланпасӧн. Сідз, индӧм Коми Республикаса Оланпаслӧн 88 статьяса 1 юкӧнлӧн медводдза абзац серти сэж, кор кадъсь водз дугӧдӧма Коми Республикалӧн Каналан Сӧветса депутатлысь, муниципальной юкӧнлӧн бӧрйӧм органса депутатлысь уджмогъяссӧ, кодӧс бӧрйӧма кандидатъяс списокын, бӧрйысян ӧтувлӧн уполномочитӧм коллегиальной пыр уджалысь юрнуӧдысь орган, кутшӧмлӧн кандидатъяс списокын тайӧ депутатсӧ вӧлі бӧрйӧма, вермӧ вӧзйыны лӧсялана бӧрйысян комиссиялы (Коми Республикаса бӧрйысян комиссиялы либӧ муниципальной юкӧнса бӧрйысян комиссиялы) прӧст депутатскӧй мандат серти уджалӧм вылӧ кандидатъяслӧн тайӧ жӧ списокысь мӧд пасйӧм кандидатлысь кандидатура. Та дырйи индӧм кандидатурасӧ вӧзйӧны пасйӧм кандидатъяс лыдысь, кодъясӧс пыртӧма кандидатъяслӧн сійӧ жӧ мутас группаӧ (кандидатъяс

списоклөн ставреспубликаса (ставмуниципалитетса) юкөнө), кытчө вөлі пыртөма депутатөс, кодлысь уджмогьяссө дугөдөма кадысь водз.

Тайө Коми Республикаса Оланпаслөн 88 статьяса 1 юкөнлөн мөд абзацон урчитөма, мый сэк, кор кандидатъяслөн лөсялана мутас группаын (кандидатъяс списоклөн ставреспубликаса (ставмуниципалитетса) юкөннын) эз кольны пасйөм кандидатъясыс либө колисны сөмын пасйөм кандидатъяс, кодъяс гижөмөн юөртисны бөрйысян өтувлөн уполномочитөм коллегиальной пыр уджалысь юрнуөдысь органө сы йылысь, мый найө өткажитчисны тайө прөст депутатскөй мандат серти уджалөмысь, бөрйысян өтувлөн индөм орган вермө вөзйыны кандидатъяслөн көть кутшөм мөд мутас группаысь (кандидатъяс списоклөн ставреспубликаса (ставмуниципалитетса) юкөннысь) пасйөм кандидатлысь кандидатура.

3. Прөст депутатскөй мандат юклан да сы серти уджалан вылынджык вайөдөм пöрадок йылысь юалөмыс эз өтчдысь лолы видлаланторйөн Россия Федерацияса Оланподув Ёрдлөн, коді аслас помшүөмъясын пасйыліс, мый депутатъяслысь уджмогьяссө кадысь водз дугөдөмкөд йитөдын артмөм прөст мандатъяс юклігөн колө кутны төд вылын пасйөм кандидатъяслысь кандидатъяслөн списокын өта-мөд бөрся мунөмсө.

Такөд өттшөтш, кызди индыліс Россия Федерацияса Оланподув Ёрд, төд вылын колө кутны и лоөмторьяссө, кутшөмъяс артмисны бөрйысьөмъяс бөрын кадколастө, кутшөмъяс вермисны төдчыны кансяма ютырөн сыөн вөзйөм кандидатъяс списокын торъя мортөс депутатө кандидат пыдди вөзйөм йылысь помшүөм примитөм вылө. Стөчджыка кө торъя случайясын сэк, кор эмөсь объективной лоөмторьяс, да кансяма ютырлөн, гражданалөн, кодъясөс пасйөма кансяма ютырөн вөзйөм кандидатъяслөн списокын, да бөрйысьысьяслөн инөдъяс да оланпас серти интересъяс костын баланссө могмөдны коланлун вылө мыджсьөмөн позьө кежны өтувья правилөысь, мый тшөктө пыртны пасйөм кандидатъясөс кандидатъяслөн списокө өчередьө кутчысьөмөн.



Но прѳст депутатскѳй мандат сетѳм вылѳ кандидатура серти помшуѳм примитѳгѳн бѳрйысян ѳтувлѳн коллегиальнойнѳй юрнуѳдысь орган оз вермы уджавны нинѳм вылѳ подуласьтѳг да вермѳ кежны пасйѳм кандидатъясѳс кандидатъяслѳн списокѳ пыртан ѳчередысь сѳмын ютырлѳн подувпуктас серти да сѳмын объективнойнѳй лѳѳмторьяскѳд йитѳдын, мый позьѳ прѳверитны ѳрд пѳрадокын (2013 во ѳшым тѳлысь 19 лунся 28-П №-а, 2014 во ѳшым тѳлысь 16 лунся 33-П №-а Шуѳмъяс, 2013 во рака тѳлысь 6 лунся 324-О №-а, 2016 во лѳддза-номья тѳлысь 6 лунся 1233-О №-а Кывкѳртѳдьяс да мукѳд).

Россия Федерацияса Оланподув Ёрдлысь сетѳм инѳд позициясѳ сѳвмѳдѳм вылѳ Коми Республикаса Оланпаслѳн 88 статьяса 1 юкѳнлѳн нѳльѳд абзацѳн урчитѳма, мый бѳрйысян ѳтувлѳн уполномочитѳм коллегиальнойнѳй пыр уджалысь юрнуѳдысь органлѳн эм позянлун кежны прѳст депутатскѳй мандат серти уджалѳм вылѳ кандидатура вѳзьян ѳчередь йылысь ѳтувья правилѳысь стѳч лѳѳмторьяссѳ быть индѳмѳн, кутшѳмъяс лоисны тайѳ помшуѳм примитѳгѳн урчитѳм ѳчередысь кежѳм вылѳ подулѳн.

Тайѳ нормаясѳн, кутшѳмъяс лѳѳны прѳст депутатскѳй мандат серти уджалѳм вылѳ кандидатура вѳзьян ѳчередь йылысь ѳтувья правилѳысь кежѳмъясѳн, колѳ вѳдитчыны Коми Республикаса Оланпаслѳн 88 статьяса 1 юкѳнлѳн мукѳд положениекѳд системнойнѳй йитѳдын.

Татшѳм ногѳн, Коми Республикаса Оланпаслѳн видлалан положениеясыс тырвийѳ лѳсялѳны «Россия Федерацияса гражданалѳн бѳрйысян инѳдьяслѳн да референдумын участвуйтѳм вылѳ инѳдлѳн медшѳр гарантияс йылысь» 2002 во лѳддза-номья тѳлысь 12 лунся 67-ФЗ №-а Федеральнойнѳй оланпаслѳн нормаяслы (71 статьяса 15 пункт), кутшѳмъясѳн урчитѳма кандидатъяслѳн ѳтувья список пытшкын мандатъяс юклан ѳтувья правилѳ, а сѳдзжѳ мунѳм депутатлѳн мутас серти прѳст мандат юклан правилѳ сѳтшѳм случайяс вылѳ, кор прѳстмѳм мандатыс вѳлѳ торья мутас группаса депутатлѳн.

Бөрйысян оланпастэчаслысь вылынджык вайёдём корөмъяссө, Россия Федерацияса Оланподув Ёрдлысь инöда видзöдлассö тöд вылö босьтöмөн Коми Республикаса Оланпаслысь вензяна положениеяссö, кутшöмъяс сетöны бөрйысян öтувлөн пыр уджалысь юрнуöдысь органы инöд вöзйыны кандидатъяслөн кöть кутшöм мöд мутас группаысь (кандидатъяс списоклөн ставреспубликаса (ставмуниципалитетса) юкöнысь) пасйöм кандидатлысь кандидатура сэк, кор кандидатъяслөн лöсялана мутас группаын (кандидатъяс списоклөн ставреспубликаса (ставмуниципалитетса) юкöнын) эз кольны пасйöм кандидатъясыс либö колысны сöмын пасйöм кандидатъяс, кодъяс гижöмөн юörtисны бөрйысян öтувлөн уполномочитöм коллегиальнöй пыр уджалысь юрнуöдысь органö сы йылысь, мый найö öткажитчисны тайö прöст депутатскöй мандат серти уджалöмысь, оз вермыны донъявны кызди Коми Республикаса Оланподувлөн 2, 17, 33 статьясса предписаниеяслы лöсявтöмөн да найö оз торкны гражданагысь оланподув инöдъяссö.

Сы могысь, медым донъявны вылынджык индём условиеяс дырйи прöст депутатскöй мандат сетöм йылысь помшуйöмлысь инöдлы лöсялöмсö да сйöс подулалöмсö, колö быд торъя случайын индыны да туявны делöлысь збыльвывса лöмторьяссö, мый пырö öтувъя юрисдикцияа ёрдъяслөн уджмогыясö, да оз пыр Коми Республикаса Оланподув Ёрдлөн компетенцияö, кызди сйöс индöма Коми Республикаса Оланподувлөн 96 статьяын да «Коми Республикаса Оланподув Ёрд йылысь» Коми Республикаса Оланпаслөн 3 статьяын.

Гижöм вылö подуласьöмөн, Коми Республикаса Оланподувлөн 96 статьяса 2 юкөнö, «Коми Республикаса Оланподув Ёрд йылысь» Коми Республикаса Оланпаслөн 66 статьяса 1 юкөнö, 68, 69, 80, да 81 статьясö кутчысьöмөн, Коми Республикаса Оланподув Ёрд

ш у и с:

1. Лыддыны «Коми Республикаын бӱрйысьӧмъяс да референдумъяс йылысь» 2010 во кӧч тӧлысь 27 лунся 88-РЗ №-а Коми Республикаса Оланпаслысь 88 статьяса 1 юкӧнын мӧд абзацса положениеяссӧ сійӧ юкӧнын, кӧнӧ найӧ сетӧны бӱрйысян ӧтувлӧн пыр уджалысь юрнуӧдысь органлы инӧд вӧзйыны кандидатъяслӧн кӧть кутшӧм мӧд мутас группаысь (кандидатъяс списоклӧн ставреспубликаса (ставмуниципалитетса) юкӧнысь) пасйӧм кандидатлысь кандидатура сӧк, кор кандидатъяслӧн лӧсялана мутас группаын (кандидатъяс списоклӧн ставреспубликаса (ставмуниципалитетса) юкӧнын) эз кольны пасйӧм кандидатъясыс либӧ колисны сӧмын пасйӧм кандидатъяс, кодъяс гижӧмӧн юӧртисны бӱрйысян ӧтувлӧн уполномочитӧм коллегиальной пыр уджалысь юрнуӧдысь органӧ сы йылысь, мый найӧ ӧткажитчисны тайӧ прӧст депутатскӧй мандат серти уджалӧмысь, Коми Республикаса Оланподувлы лӧсяланаӧн.

2. «Коми Республикаса Оланподув Ёрд йылысь» Коми Республикаса Оланпаслӧн 73 статья серти тайӧ Шуӧмыс лоӧ бӱрьяӧн, сійӧс оз позь обжалуйтны, дзик пыр вынсялӧ сійӧс йӧзӧдӧм бӱрын, уджалӧ веськыда да сійӧс оз эскӧдны мукӧд органӧн да чина йӧзӧн.

3. «Коми Республикаса Оланподув Ёрд йылысь» Коми Республикаса Оланпаслӧн 72 статья серти тайӧ Шуӧмсӧ дзик пыр колӧ публикуйтны «Коми Республикаса канму власьт органъяслӧн индӧд-тшӧктӧмъяс» журналын да йӧзӧдны «Ӧтуввез» юӧртан да коммуникация везйын Коми Республикалӧн официальной сайтын «Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг» сетевӧй изданиеын (<http://law.rkomi.ru>).

Коми Республикаса Оланподув Ёрд